

ԵՐԵՎԱՆԻ ՔԱՂԱՔԱՊԵՏ

Ո Ր Ո Շ ՈՒ Մ

«06» հուլիսի 2016թ.

N 2468-Ա

ԵՐԵՎԱՆ ՔԱՂԱՔԻ 2017 ԹՎԱԿԱՆԻ ԲՅՈՒՋԵՏԱՅԻՆ ԳՈՐԾԸՆԹԱՅՆ ՍԿՍԵԼՈՒ ՄԱՍԻՆ

Ղեկավարվելով «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 31-րդ հոդվածի 2-րդ և 4-րդ մասերով, «Երևան քաղաքում տեղական ինքնակառավարման մասին» Հայաստանի Հանրապետության օրենքի 70-րդ և 71-րդ հոդվածներով Երևան քաղաքի 2017 թվականի բյուջետային գործընթացն սկսելու նպատակով.

1. Հաստատել Երևան քաղաքի 2017 թվականի բյուջեի նախագծի մշակման աշխատանքների իրականացման ժամանակացույցը՝ համաձայն հավելվածի:
2. Ընդունել ի գիտություն, որ.
 - 1) 2017 թվականի բյուջետային ֆինանսավորման հայտերը ներառում են կապիտալ բնույթի ծախսերի մասով սահմանված կարգով փորձաքննություն անցած նախագծանախահաշվային փաստաթղթերը, իսկ ընթացիկ ծախսերի գծով՝ հաշվարկ-հիմնավորումները,
 - 2) Երևան քաղաքի 2017 թվականի բյուջետային ֆինանսավորման հայտերը կազմելիս պետք է հաշվի առնվեն «Երևան քաղաքում տեղական ինքնակառավարման մասին» Հայաստանի Հանրապետության օրենքի 83-րդ հոդվածի 7-րդ կետով սահմանված պահանջները, մասնավորապես՝ Երևան քաղաքի զարգացման ծրագրերի հիմնական ուղղությունները:
3. Հանձնարարել Երևանի քաղաքապետի տեղակալներին, Երևանի գլխավոր ճարտարապետին, խորհրդականներին, Երևանի քաղաքապետարանի աշխատակազմի առանձնացված և կառուցվածքային ստորաբաժանումների ղեկավարներին՝
 - 1) 2017 թվականի բյուջետային ֆինանսավորման հայտերը ներկայացնելիս հաշվի առնել համայնքի բնակիչներից, քաղաքացիական հասարակության և մասնավոր հատվածի սուբյեկտներից ստացված առաջարկությունները,
 - 2) ապահովել սույն որոշման հավելվածով հաստատված ժամանակացույցով նախատեսված աշխատանքների իրականացումը,
 - 3) 15-օրյա ժամկետում սահմանված կարգով պատվիրել 2017 թվականին նախատեսվող կապիտալ բնույթի ծախսերի նախագծանախահաշվային փաստաթղթերը:
4. Երևանի քաղաքապետարանի աշխատակազմի ֆինանսական վարչության պետին՝ զեկուցել ժամանակացույցով նախատեսված աշխատանքների կատարման ընթացքի շեղումների վերաբերյալ:
5. Սույն որոշման կատարման կազմակերպումն ու պատասխանատվությունը դնել Երևանի քաղաքապետարանի աշխատակազմի կառուցվածքային և առանձնացված ստորաբաժանումների ղեկավարների վրա:

6. Սույն որոշման կատարման հսկողությունը իրականացնում է Երևանի քաղաքապետի տեղակալ Վ. Նիկոյանը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Ժ Ա Մ Ա Ն Ա Կ Ա Ց ՈՒ Յ Ց

ԵՐԵՎԱՆ ՔԱՂԱՔԻ 2017 ԹՎԱԿԱՆԻ ԲՅՈՒՋԵԻ ՆԱԽԱԳԾԻ ՄՇԱԿՄԱՆ ԱՇԽԱՏԱՆՔՆԵՐԻ ԳՈՐԾԸՆԹԱՑԻ ԻՐԱԿԱՆԱՑՄԱՆ

Հ/Հ	Կատարողները	Կատարման ենթակա աշխատանքները և միջոցառումները	Փաստաթղթերն ստացող ստորաբաժանումներ (մասնակիցներ)	Աշխատանքների և միջոցառումների կատարման սահմանային ժամկետները
1	Երևանի քաղաքապետարանի աշխատակազմի ֆինանսական վարչություն	Երևան քաղաքի 2017 թվականի բյուջեի նախագծի հայտերի ձևերի և լրացման կարգի մշակում և տրամադրում	Երևանի քաղաքապետի տեղակալներ, Երևանի գլխավոր ճարտարապետ, խորհրդականներ, առանձնացված և կառուցվածքային ստորաբաժանումներ	մինչև 2016 թվականի հուլիսի 13
2	Երևանի քաղաքապետարանի աշխատակազմի ֆինանսական վարչություն	Երևան քաղաքի 2017 թվականի բյուջեի նախագծի կազմման համար պահանջվող լրացուցիչ տեղեկատվության և խորհրդակցության տրամադրում	Երևանի քաղաքապետի տեղակալներ, Երևանի գլխավոր ճարտարապետ, խորհրդականներ, առանձնացված և կառուցվածքային ստորաբաժանումներ	մինչև 2016 թվականի օգոստոսի 5
3	Երևանի քաղաքապետարանի աշխատակազմի եկամուտների հաշվառման և գանձման վարչություն	Երևան քաղաքի 2017 թվականի բյուջեի եկամուտների կանխատեսումների վերաբերյալ քննարկումների անցկացում և համաձայնեցում	Երևան քաղաքի բյուջեի եկամուտներ և մուտքեր ապահովող կառուցվածքային և առանձնացված ստորաբաժանումներ	մինչև 2016 թվականի օգոստոսի 26
4	Երևան քաղաքի բյուջեի եկամուտներ և մուտքեր ապահովող կառուցվածքային և առանձնացված ստորաբաժանումներ	Երևան քաղաքի 2017 թվականի բյուջեի եկամուտների համաձայնեցված կանխատեսումների ներկայացում	Երևանի քաղաքապետարանի աշխատակազմի եկամուտների հաշվառման և գանձման վարչություն	մինչև 2016 թվականի սեպտեմբերի 1
5	Երևանի քաղաքապետարանի աշխատակազմի եկամուտների հաշվառման և գանձման վարչություն	Երևան քաղաքի 2017 թվականի բյուջեի նախագծի եկամուտների համաձայնեցված կանխատեսումների ներկայացում	Երևանի քաղաքապետարանի աշխատակազմի ֆինանսական վարչություն	մինչև 2016 թվականի սեպտեմբերի 5

Հ/Հ	Կատարողները	Կատարման ենթակա աշխատանքները և միջոցառումները	Փաստաթղթերն ստացող ստորաբաժանումներ (մասնակիցներ)	Աշխատանքների և միջոցառումների կատարման սահմանային ժամկետները
6	Ոլորտային կառուցվածքային ստորաբաժանումներ (ոլորտը համակարգողի ղեկավարությամբ)	Երևան քաղաքի 2017 թվականի բյուջեի նախագծի ծախսերի կանխատեսումների մշակման շրջանակներում ոլորտային քաղաքականության հարցերի շուրջ քննարկումների անցկացում և համաձայնեցում	Երևանի քաղաքապետարանի աշխատակազմի առանձնացված ստորաբաժանումներ, բյուջեով նախատեսվող ծախսային ծրագրեր իրականացնող համայնքային կազմակերպություններ	մինչև 2016 թվականի սեպտեմբերի 5
7	Երևանի քաղաքապետարանի աշխատակազմի ֆինանսական վարչություն	Երևան քաղաքի 2017 թվականի բյուջեի նախագծի ծախսերի կանխատեսումների վերաբերյալ քննարկումների անցկացում և համաձայնեցում	Երևանի քաղաքապետարանի աշխատակազմի կառուցվածքային և առանձնացված ստորաբաժանումներ	մինչև 2016 թվականի սեպտեմբերի 7
8	Երևանի քաղաքապետարանի աշխատակազմի կառուցվածքային և առանձնացված ստորաբաժանումներ (ոլորտը համակարգողների հետ համաձայնեցված)	Երևան քաղաքի 2017 թվականի բյուջեի նախագծի կանխատեսումների ներկայացում	Երևանի քաղաքապետարանի աշխատակազմի ֆինանսական վարչություն	մինչև 2016 թվականի սեպտեմբերի 12
9	Երևանի քաղաքապետարանի աշխատակազմի ֆինանսական վարչություն	Երևան քաղաքի 2017 թվականի բյուջեի նախագծի վերաբերյալ քննարկումների անցկացում Երևանի քաղաքապետի տեղակալի մոտ	Երևանի քաղաքապետարանի աշխատակազմի կառուցվածքային և առանձնացված ստորաբաժանումներ	մինչև 2016 թվականի սեպտեմբերի 30
10	Երևանի քաղաքապետարանի աշխատակազմի կառուցվածքային և առանձնացված ստորաբաժանումներ (ոլորտը համակարգողների հետ համաձայնեցված)	Երևան քաղաքի 2017 թվականի բյուջեի նախագծի լրամշակված հայտերի ներկայացում	Երևանի քաղաքապետարանի աշխատակազմի ֆինանսական վարչություն	մինչև 2016 թվականի հոկտեմբերի 5
11	Երևանի քաղաքապետի տեղակալ	Երևան քաղաքի 2017 թվականի բյուջեի նախագծի վերաբերյալ քննարկումների անցկացում Երևանի քաղաքապետի մոտ և լրամշակում	Երևանի քաղաքապետի տեղակալներ, Երևանի գլխավոր ճարտարապետ, խորհրդականներ, Երևանի քաղաքապետարանի աշխատակազմի առանձնացված և կառուցվածքային ստորաբաժանումների ղեկավարներ	մինչև 2016 թվականի հոկտեմբերի 17

Հ/Հ	Կատարողները	Կատարման ենթակա աշխատանքները և միջոցառումները	Փաստաթղթերն ստացող ստորաբաժանումներ (մասնակիցներ)	Աշխատանքների և միջոցառումների կատարման սահմանային ժամկետները
12	<p>1. Երևանի քաղաքապետի տեղակալ</p> <p>2. Երևանի քաղաքապետարանի աշխատակազմի ֆինանսական վարչություն</p> <p>3. Երևանի քաղաքապետարանի աշխատակազմի Եկամուտների հաշվառման և գանձման վարչություն</p>	<p>Երևան քաղաքի 2017 թվականի բյուջեի՝ քաղաքապետի հետ համաձայնեցված նախագծի ներկայացում Համայնքի զարգացման քառամյա ծրագրի և տարեկան բյուջեի կառավարման խորհրդին այն հանրային քննարկման ներկայացնելու համար</p>	<p>Համայնքի զարգացման քառամյա ծրագրի և տարեկան բյուջեի կառավարման խորհուրդ</p>	<p>մինչև 2016 թվականի հոկտեմբերի 28</p>
13	<p>1. Երևանի քաղաքապետի տեղակալ</p> <p>2. Երևանի քաղաքապետարանի աշխատակազմի ֆինանսական վարչություն</p> <p>3. Երևանի քաղաքապետարանի աշխատակազմի Եկամուտների հաշվառման և գանձման վարչություն</p>	<p>Համայնքի զարգացման քառամյա ծրագրի և տարեկան բյուջեի կառավարման խորհրդի կողմից դրական եզրակացություն ստացած Երևան քաղաքի 2017 թվականի բյուջեի լրամշակված նախագծի ներկայացում հանրային քննարկման</p>		<p>մինչև 2016 թվականի նոյեմբերի 1</p>
14	<p>1. Երևանի քաղաքապետի տեղակալ</p> <p>2. Երևանի քաղաքապետարանի աշխատակազմի ֆինանսական վարչություն</p> <p>3. Երևանի քաղաքապետարանի աշխատակազմի իրավաբանական վարչություն</p>	<p>Հանրային կամ շահագրգիռ անձանց հետ հանդիպումների, բաց լսումների, քննարկումների կազմակերպում</p>		<p>մինչև 2016 թվականի նոյեմբերի 16</p>
15	<p>Համայնքի զարգացման քառամյա ծրագրի և տարեկան բյուջեի կառավարման խորհուրդ</p>	<p>Հանրային քննարկումների արդյունքում Երևան քաղաքի 2017 թվականի բյուջեի լրամշակված նախագծի վերաբերյալ եզրակացության ընդունում այն Երևանի ավագանուն ներկայացնելու համար</p>		<p>մինչև 2016 թվականի նոյեմբերի 21</p>

Հ/Հ	Կատարողները	Կատարման ենթակա աշխատանքները և միջոցառումները	Փաստաթղթերն ստացող ստորաբաժանումներ (մասնակիցներ)	Աշխատանքների և միջոցառումների կատարման սահմանային ժամկետները
16	1. Երևանի քաղաքապետի տեղակալ 2. Երևանի քաղաքապետարանի աշխատակազմի ֆինանսական վարչություն 3. Երևանի քաղաքապետարանի աշխատակազմի եկամուտների հաշվառման և գանձման վարչություն	«Երևան քաղաքի 2017 թվականի բյուջեի մասին» Երևանի ավագանու որոշման նախագծի ներկայացում	Երևանի ավագանու խմբակցություններ և անդամներ	մինչև 2016 թվականի նոյեմբերի 22

ԱՇԽԱՏԱԿԱԶՄԻ ՔԱՐՏՈՒՂԱՐ

Ս. ՄԱԿԱՐՅԱՆ